

आकाशवाणी

खास-खास खबरां:-

प्रधानमंत्री नरेन्द्र मोदी होरें आखेआ ऐ जे पिच्छले किश बरें च भारत ते फ्रांस दे सरबन्ध नमिएं उंचाइए तगर पुज्जे न। उ'नें आखेआ जे राष्ट्रपति मैक्रोन हुंदे कन्नै मिलियै दौने मुख्य आलमी सतह दी इक बशेश रणनीतिक सांझ-भ्याली दा निर्माण करा'रदे न।

दिल्ली दिए मुख्मन्त्री रेखा गुप्ता होरें नमीं दिल्ली दे सत्य निकेतन इलाके च इमारत ढहेई पौने दी घटना दी न्यायिक जांच दे हुक्म दिते न।

भारती अंतरिक्ष अनुसंधान संगठन-इसरो ने मीडिया दी ओकड़ी अटकलें ते गलत सूचनाएं पर स्पष्टीकरण जारी कीता ऐ- जिंदे च इसरो दे निजीकरण जां ओदी भूमिका घट्ट करने दी कोशशें दी गल्ल आखी गई ऐ।

OPEC प्लस दे मिम्बर मुख्खें दी कल वर्चुअल ढंगै नै लग्गी दी इक महत्पूर्ण बैठका च अंतराष्ट्रीय बजार दी स्थिति ते कच्चे तेल दिए कीमतें गी लेइयै चर्चा कीती गई।

भारत ने AFC अंडर-20 फुटबाल एशिया कप च प्रवेश करी लैता ऐ।

<><><><><><><><>

PM –India France Relations

प्रधानमंत्री नरेन्द्र मोदी होरें आखेआ ऐ जे पिच्छले किश बरें च भारत ते फ्रांस दे सरबन्ध नमिएं उंचाइए तगर पुज्जे न। उ'नें आखेआ जे राष्ट्रपति मैक्रो न हुंदे कन्नै मिलियै दौने मुख्य आलमी सतह दी इक बशेश रणनीतिक सांझ-भ्याली दा निर्माण करा'रदे न। फ्रांस दे पेरिस च स्वामीनारायण मंदिर दे उद्घाटन दे दुरान वीडियो कॉन्फ्रेंसिंग दे राहें श्री मोदी होरें आखेआ जे तकनीकें, आर्टिफिशियल इंटेलीजेंस ते रक्षा दे खेतर थमां लेइयै अंतरिक्ष ते जलवायु परिवर्तन धोड़ी, दवै मुख्य नमीं रफ्तार ते नमीं उर्जा दे कन्नै मिलियै अगड़े बधा करदे न।

उ'नें आखेआ जे दौनें पक्ख इस ब'रे गी भारत ते फ्रांस दे नमिएं काह्डें आह्ले ब'रे दे तौर उप्पर मना करदे न। प्रधानमंत्री होरें आखेआ जे भारत ते फ्रांस बशकार रणनीतिक सांझ-भ्याली बड़ी खास ऐ कीजे एह लम्मी अवधि आह्ले सांस्कृतिक ते राजनीतिक सरबंघें दी मजबूत नीह पर टिकी दी ऐ। उ'नें आखेआ जे इतिहास फ्रांस च भारती सैनिकें दे बलिदानें दा गवाह ऐ। एह इतिहास सामूहिक स्मृति ते दिलें च अज्ज बी जीवित ऐ। मोदी होरें आखेआ जे भाशाएं च दिलचस्पी रक्खने आह्ले लोक इब्बी जानदे न जे संस्कृत गी बढ़ावा देने ते लोकप्रिय बनाने च फ्रांस दे विद्वानें किन्नी महत्वपूर्ण भूमिका निभाई ऐ। उ'नें आखेआ जे रामकृष्ण परमहंस ते स्वामी विवेकानंद पर रोमेन रोलेंड दे लेखन ने दौनें समाजें गी होर बी नेड़ा आहन्नी दिता। प्रधानमंत्री होरें गलाया जे पेरिस थमां लेइयै पुद्दुचेरी च स्थित श्री अरविंदो आश्रम तगर दी आध्यात्मिक जातरा ने अनगिनत भारती ते फ्रांसीसी साधकें गी प्रेरित कीता ऐ। उ'नें आखेआ जे दहाकें पैह्ले श्रील प्रभुपाद स्वामी जी बी फ्रांस आए हे ते इस्कॉन दे माध्यम कन्नै उ'नें भारत ते फ्रांस दे बशकार आध्यात्मिक सरबंघें च इक नमां ध्याय खोलेआ हा। श्री मोदी होरें आखेआ जे अज्ज योग भारत ते फ्रांस दे बशकार आपसी जुडाव दा इक महत्वपूर्ण माध्यम बनी गेदा ऐ। प्रधानमंत्री होरें आखेआ जे इ'नें दिनें भारत ते फ्रांस बशकार सांझे उद्यमों दी संभावनाएं पर बड़ी चर्चा होआ करदी ऐ। उ'नें आखेआ जे स्वामीनारायण मंदरें इस संभावना गी बी इक नमां आयाम दिता ऐ। श्री मोदी होरें आखेआ जे मंदरें च इस्तेमाल पत्थरें दा इक महत्वपूर्ण हिस्सा भारत च तराशेआ गेआ हा। उ'नें आखेआ जे भारत दी प्राचीन शिल्पकारी ते प्रतिभा हुन फ्रांस दी आधुनिक इंजीनियरिंग दे कन्नै मिली गई ऐ। श्री मोदी होरें विश्वास जताया जे मंदरें थमां निकलने आह्ले सांस्कृतिक ते आध्यात्मिक संदेशें कन्नै यूरोप दे लोकें गी लाह होग। उ'नें आखेआ जे एह मंदर नां छड़ा फ्रांस दी बन्न-सबन्नता गी समृद्ध करग, सगुआं भारत ते फ्रांस दे बशकार सांस्कृतिक सरबंघें गी बी नमी ऊर्जा प्रदान करग।

<><><><><><>

Delhi Building Collapse

दिल्ली दिएं मुखमंत्री रेखा गुप्ता होरें नमी दिल्ली दे सत्य निकेतन इलाके च इमारत ढहेई पौने दी घटना दी न्यायिक जांच दे हुक्म दिते न।

उन्हें इमारत के मालिक खिलाफ FIR दर्ज करने के निर्देश भी जारी कीते न। मुख्यमंत्री हुंदे दफ्तरें मुजब- इस गंभीर घटना लेई जेहड़ा भी कसूरवार होग- ओदी पूरी जवाबदेही तय कीती जाहग ते कनून के मताबक गै सख्त कार्रवाई भी कीती जाहग। तोंआई कल चिरें रातीं इक होर शव मिलने के बाद हादसे च मरने आलें दी गिनतरी बधियै 6 होई गई ऐ। हादसे आहली थाहरै पर राहत ते बचास अभियान जारी ऐ। टीमां मलबा हटाने च कुसै होर व्यक्ति के फसे के होने दी शँका च तलाश करारदियां न। NDRF- अगग स्हालने आले दस्ते- दिल्ली पुलिस ते होरनें एजेंसियें दिआं टीमां हादसे आली थाहरै पर राहत ते बचास कम्मैं च जुटी दियां न।

केन्द्री गृहमंत्री अमित शाह होरें दिल्ली दी मुख्यमंत्री रेखा गुप्ता- दिल्ली पुलिस के कमीशनर ते NDRF के डरेक्टर जनरल हुंदे नै गल्ल करियै हादसे आली थाहरै पर बने के हालात दा जायज़ा लैता। श्री शाह होरें आखेआ जे ज़खिमैं गी इलाज- मुआलजे मतलक हर लोइचदी मदाद दिता जा'रदी ऐ। एह इमारत Paying Guest आली रिहाईश के तौर पर इस्तेमाल कीती जा'रदी ही। पुलिस के इक वरिष्ठ अधिकारी ने दस्सेआ जे कल दपैहरी तकरीबन डेढ़ बजे इमारत ढट्ठने के बेल्लै ओदे बेसमेंट च मरम्मत दा कम्म चला रदा हा। दिल्ली के मेयर प्रवेश वाही होरें आखेआ ऐ जे 4 शा मती मंज़िल आली सबने गैर-कनूनी इमारत गी फौरी तौर पर सील करी दिता जाहग। दिल्ली युनिवर्सिटी दा श्री वेंकटेश्वर कालेज अज्ज इमारत हादसे के मद्देनज़र बंद रौहग।

<><><><><><><><>

ISRO Clarification

भारती अंतरिक्ष अनुसंधान संगठन-इसरो ने मीडिया दी ओकड़ी अटकलें ते गलत सूचनाएं पर स्पष्टीकरण जारी कीता ऐ- जिंदे च इसरो के निजीकरण जां ओदी भूमिका घट्ट करने दी कोशशें दी गल्ल आखी गई ऐ। सोशल मीडिया दी इक पोस्ट च इसरो ने आखेआ जे नां ते ओदा निजीकरण ते नां गै ओदा महत्व घट्ट कीता जाहग। अंतरिक्ष खेतर च निजी खेतर दी भागीदारी दा मकसद अंतरिक्ष कार्यक्रमैं गी सक्षम बनाना ऐ। इसरो ने आखेआ ऐ जे अंतरिक्ष खेतर च सुधारें दा मकसद इक व्यापक- मज़बूत ते आलमी सतह पर मुकाबलेबाजी आले भारती अंतरिक्ष तंत्र दा निर्माण करना ऐ।

इस करिये इ'ने सुधारें गी निजीकरण दे बचाय- इस तंत्र दे विस्तार ते समर्थ-विस्तार दे तौरा पर दिक्खेआ जाना लोडचदा। इसरो ने आखेआ जे परिपक्व ते विस्तार जोग तकनीकी समर्थ गी भारती उद्योग आसेआ तेजी कन्नै विकसित कीता जाई सकदा ऐ। एहदें नै बड्डे पैमाने पर उत्पादन-बवसायीकरण- नमिएं काहडें ते आलमी सतह दे बजारें धोड़ी पुज्ज मुमकन होग- जिसले के इसरो दे साईसदान ते तकनीकी मनुक्खी संसाधन गी उन्नत शोध- अगली पीढ़ी दीएं तकनीकें ते महत्वपूर्ण ते पेचीदा राश्ट्री मिशनें पर ध्यान केन्द्रित करने दी खुल्ल मिलोग।

<><><><><><><><>

OPEC+ Countries

OPEC प्लस दे मिम्बर मुख्यें दी कल वर्चुअल ढंगै नै लग्गी दी इक महत्वपूर्ण बैठका च अंतराश्ट्रीय बजार दी स्थिति ते कच्चे तेल दिएं कीमतें गी लेइयै चर्चा कीती गई। बैठकें च जि'ने महत्वपूर्ण विषयें ते मुद्दे पर सोच-विचार ते फैसले लैते गे उन्दे च सऊदी अरब- रूस- इराक- कुबैत- कज़ाकिस्तान- अल्जीरिया ते ओमान जनेह 7 प्रमुख मुख्यें अक्तूबर 2026 लेई तेल उत्पादन नीति गी मजूदा स्तर पर बनाई रखने दा फैसला लैता ऐ यानि सितम्बर दे मकाबले उत्पादन कोटे च कोई बदलाव नैई कीता जाहग। एहदे इलावा होरमुज जल डमरु मध्य राएं होने आहले निर्यात च रुकावटें दी वजह कन्नै तेल दिएं कीमतें पर असर पवा करदा ऐ जिसी ध्यानै च रखदे होई संगठन ने उत्पादन च कोई बादा नैई करने दा फैसला लैता ऐ। बाजार दे हालात दी समीक्षा लेई OPEC दी अगली बैठक 4 अक्तूबर 2026 गी होनी तैह होई ऐ।

<><><><><><><><>

Iran- Hormuz

ईरान दे इक बड्डे सुरक्षा अधिकारी ने आखेआ ऐ जे औने आह्ले दिनें च होर्मुज जलडमरूमध्य दे बाहर इक नमां बंदिश आह्ला इलाका घोशत कीता जाहग। उ'ने आखेआ जे ईरान दे कन्नै तालमेल दे बगैर इस खेतर च दाखल होने आह्ले कुसै बी जहाज गी ईरान दी बंदिश आह्ली सूची च पाई दिता जाहग।

ईरान दी सुप्रीम नेशनल सिक्योरिटी काउंसिल दे सचिव मेजर जनरल मोहसिन रेजाई होरें आखेआ ऐ जे एह बंदिश आह्ला खेतर अमरीकी नौसेना दी नाकाबंदी आह्ली हद्द थमां शुरू होइयै फारस दी खाड़ी दे किश हिस्सें तगर फैलग। ईरान दी सरकारी मीडिया दे मताबक, जलडमरूमध्य आह्ली कुसै कुसै बी दिशा थमां औने आह्ले ते इस इलाके च दाखल होने आह्ले ज्हाजें पर बंदिशां लाइयां जाडन।

<><><><><><>

Ukraine –US Meet

यूक्रेन दे राष्ट्रपति व्लोदीमीर ज़ेलेस्की होरें कल कीव च अमरीकी शांति दूत स्टीव विटकॉफ ते जारेड कुश्रर हुंदे'नै मलाटी कीती। अमरीकी राष्ट्रपति ट्रम्प हुंदे इनें विशेष दूतें दी कीव दी एह पैहली अधिकारिक यात्रा ही। एहदे शा इक रोज पैहले इनें दौनें मास्को च रुसी राष्ट्रपति हुंदे कन्नै बी बैठक कीती ही। इस दौरे दौरान दौनें धड़े दी सुरक्षा जकीनी बनाने लेई रुस ते यूक्रेन दौनें इक दुए दे राजधानी आहले शैहरें पर हमले 3 दिनें लेई रोकी दिते दे हे। जानकारी मुजब कल्लै दी बैठक च रुस- यूक्रेन युद्ध गी खत्म करने लेई नमें शांति प्रस्तावें- यूक्रेन दी ब्हाई सुरक्षा जरूरतें- ऊर्जा सरबन्धी ढांचे दी सुरक्षा ते लड़ाई दे बाद नमें सिरेआ निर्माण सरबन्धि मुद्दे पर चर्चा होई। अजें कि दौनें धड़ें इस बैठका गी मता सकारात्मक दस्सआ ऐ पर फिलहाल कुसै बड्डे समझौते जां युद्ध विराम दी कोई घोषणा नैई कीती गई ऐ।

<><><><><><>

Asia Cup Football

भारत ने AFC अंडर-20 फुटबाल एशिया कप च प्रवेश करी लैता ऐ। भारत ने कल ताशकंद च खीरी क्वालीफाइंग मकाबले च बांगलादेश गी 3-0 कन्नै रहाइयै 20एं बरे च पैहली बारी इस प्रतियोगिता च अपनी थाहर पक्की कीती ऐ। ग्रुप-बी दे खीरी मकबाले च डैनी मैतई लैसराम ने मैच दे 25में मिन्ट च भारत लेई गोल कीता जेहदे मगरा विशाल यादव ने 60में ते मोहम्मद अरबास ने 79में मिन्ट च गोल करियै भारत दी स्थिति मजबूत कीती। भारत ने एहदे शा पैहले 2006 AFC अंडर-20 खेड्डेया हा। उज़्बेकिस्तान ग्रुप-बी च 9 अंके कन्नै पैहली थाहरै पर रेहा।

जिसलै कि भारत 6 अंके कन्नै दुए ते सीरिया 3 अंके कन्नै त्रीs थाहरै पर रेहा। AFC अंडर-20 दा एशिया कप अगले बरे 24 मार्च थमां 10 अप्रैल धोड़ी चीन च घेड़येया जाहग।

<><><><><><>